

L A P U N T



Infuormaziuns

da la corporaziun evangelica
Ardez-Ftan-Guarda



MAI, GÜN E LÜGL 2021

Not lunga da las baselgias ad Ardez

Finalmaing esa uschè inavant! Nus pudain celebrar per la prüma jada la «Not lunga da las baselgias». Als 28 mai vain quist'occurrentza manada tras in bleras corporaziuns e baselgias da nos chantun ed eir in fich bleras raspadas da tuot la Svizra.

Ad Ardez invidaina a tuot las raspadas ed a tuot las personas interessadas da noss cumüns ed eir da nossa Regiun ecclesiatica Engiadina Bassa - Val Müstair a tour part a quista premiera. Nus manain nempè tras quist'occurrentza sco'l tradiziunal «di da las raspadas», quista jada esa però üna «not da las raspadas».

Ün program varià spetta, chi invida da gnir insembel e da giodair la cumünanza darcheu üna jada. Natüralmaing tuot suot las masüras da protecziun actualas pervi da Corona.

A quista sairada vaivat l'occurrentza da tour part a differents cults divins cun roms musicals divers, chi vegnan celebrats dals ravarendas e las ravarendas da tuot la regiun ed accumpognats da musicists da nossa Val. Tanter las 18.30 e mezza not daja la pussibilità da tour part ad üna o tschella occurrentza chi vain per part manada tras in möd parallel. Süllas vias e plazzas dal cumün as preschaintan differentas fuormaziuns. Pels uffants e giuvenils daja programs specials, illa tuor as poja visitar exposiziuns ed illa sala cumünala sun previs referats interessants davart il tema «müdamaints». Il program detaglià chattaivat bainbod in Vossas charteras e sün nossa pagina d'internet.

Nus ans allegrain sün üna sairada cumünaivla, festiva e forsa dafatta surprendenta! Cordialmaing invidan: la pravenda e'l consistori.

28.05.21

**NOT LUNGA
DA LAS BASELGIAS**

WWW.NOTGLUNGADALASBASELGIAS.CH

Confirmaziuns 2021

Quist on han lö ils cults divins da confirmaziun a duos datas differentas.

l'1 cult divin a Tschinquaisma ad Ardez, als **23 mai** a las 9.30, vegnan confirmats Rezia Stuppan (Ftan), Matteo Padrun (Guarda) e Silvan Barbüda (Ardez).

La dumengia, ils **6 gün**, vegnan confirmats Moreno Huder (Ardez) ed Adrian Koller (Ardez). Il cult divin ha lö ad Ardez a las 9.30.



La confirmaziun es üna conferma dal battaisem e dess incuraschir e rinforzar.

A la confirmanda ed a

ls confirmands giavüschaina forza e curaschi sün lur via da vita!

Pervi da la confirmaziun ha lö il cult divin da Tschinquaisma quist on ad Ardez il Firà da Tschinquaisma, als 24 mai a las 10.00. Cult divin cun Soncha Tschaina. Grazcha per Voss'incletta!

Ascensiun, gövgia ils 13 mai



«Ascensiun per famiglias» - nus invidain a tuot ils uffants, genituors e tuots chi han plaschair da's participar ad ün cult divin special a Guarda chi ha lö a las **10.00**.



Pervi da las masüras cunter il virus da corona nu daja ningünas otras occurrenzas da noss progets pel mumaint. No sperain sün Vossa incletta e'ns allegrain da'S bivgnantar pro las activitats dals progets cur chi'd es darcheu pussibel a tillas manar tras.

Cult divin cun preschantaziun da nos proget annual "MAMBrella"

In **dumengia**, als **16 mai**, das-chaina bivgnantar a duonna Sara Lehner da Ftan in noss cults divins chi preschainta il proget cha no sustgnain ingon. Ella discuorra sur da sias experiencias sco duonna da part in chomps da fügitivs a Grecia e davart la lavur dal proget MAMBrella.

Ad Ardez ha lö il cult divin a las 10.00, a Ftan a las 11.10 ed a Guarda a las 17.00.



Masüras, Alp Laret da Ftan

dumengia, ils 4 lügl a las 11.30

Eir quist on festagiaina Masüras cun ün cult divin sün l'Alp Laret da Ftan. Nus ans allegrain sün ün festiv cult divin cumünaivel cun ün bel rom musical.

In cas da trid'aura ha lö il cult divin a las 11.30 illa baselgia da Ftan.



Cult divin a Sur En

dumengia, ils 25 lügl a las 16.00



La corporaziun invida al cult divin cumünaivel a Sur En. La predgia tegna rav. Stephan Bösiger.

Davo predgia sun tuots invidats da star ün mumaint da cumpagnia intuorn il bügl pro ün aperitiv organisà da las abitantas e'ls abitants da Sur En.

Pel transport vain pisserà.

P.pl. verer ils placats i'ls cumüns!

Üna exposiziun da Tschinquaisma in nossas baselgias



Eir quist on preparan las scolaras e'ls scolaras üna exposiziun per Tschinquaisma insembel cun lur magistra da religiun, duonna Silvia Schlegel.

Lur purtrets as poja verer illas baselgias sur ils dis da Tschinquaisma.

Ün cordial invid a quist'exposiziun ed ün grond ingrazchamaint a las artistas e'ls artists!

Tscherchè: musicist(a)s ed actur(a)s

Pella «Not lunga da las baselgias» als 28 mai tscherchaina fuormaziuns dad 1-3 persunas chi lessan far musica süllas vias o muossar ün pitschen teater.

Pussibilità da far üna collecta.

Far il bain da s'annunzchar fin als 15 mai pro: marianne.strub@gr-ref.ch, 081 862 23 61



Revista di da schoppa




Ün cordial "grazcha fich" pel grond sustegn cha la campagna ecumenica da pan per tuots e Fastenopfer davart il tema "güstia pel clima" ha surgni. Tras la vendita da biscutins e da la schoppa per tour a chasa es gnüda insembel üna gronda collecta. Las acziuns i'l rom da la campagna han gnü üna bella finischun tras

ün cult divin cumünaivel a Guarda. Grazcha pella gronda solidaritè e'l sustegn!

Maisas da giantar per tuots dad Ardez e Guarda

Atenziun: las maisas da giantar han displaschaivelmaing stuvü gnir strichadas causa la situaziun da Corona. Subit cur chi'd es darcheu pussibel s'allegrain darcheu per las maisas da giantar per tuots. I vain fat a savair a temp a tuots interessats. Grazcha per l'incletta. Infuormaziuns dà gugent Erna Fontana, tel. 081 862 23 50.



Casualias in noss cumüns

Battaisems:

ingüns

Nozzas:

ingünas

Mortoris:

Lydia Auracher-Schucany, 15.01.2021, Ftan
Mengia Stuppan-Plouda, 20.03.2021, Ftan
Paul Schucany, 16.04.2021, Ftan



Vacanzas da nossa ravarenda:

Nossa ravarenda ha vacanzas:
dals **5 fin als 11 mai**.

Vacanzas:

Il substitut per casualias in quist temp es rav. Niklaus Friedrich, Scuol, 076 423 46 87

Dal **12 lügl 2021 fin als 2 avuost 2021**

Ils substituets per casualias d'ürant quel temp sun:

12.07-16.07: rav. Rainer Grabowski, Zernez, 081 856 15 43

17.07-25.07: rav. Bettina Schönmann, Val Müstair, 081 858 51 55

26.07-02.08: rav. Niklaus Friedrich, Scuol, 076 423 46 87

Adressas:

Pravenda

Dna. rav. Marianne Strub,
Chasa da pravenda, 7546 Ardez
tel.: 081 862 23 61, e-mail: marianne.strub@gr-ref.ch

Secretariat

tel: 081 860 34 10
secretariat.pravenda@bluewin.ch

www.ardez-reformiert.ch

